

Bosna i Hercegovina
Federacija Bosne i Hercegovine
KANTON SARAJEVO
OPĆINA VOGOŠĆA
Općinsko vijeće
Komisija za odlikovanja i priznanja

Broj: 01-04-398/26
Vogošća, 03.03.2026.godine

Na osnovu člana 10. Odluke o priznanjima Općine Vogošća („Službene novine Kantona Sarajevo“, broj: 2/26), Komisija za odlikovanja i priznanja Općinskog vijeća Vogošća objavljuje

JAVNI POZIV

za predlaganje kandidata za dodjelu Općinskih priznanja

I

Prijedlozi se podnose za slijedeća priznanja:

- Zlatni grb sa plaketom Općine Vogošća
- Plaketa Humanista godine Općine Vogošća
- Plaketa za životno djelo
- Plaketa Mladi i perspektivni sportista Općine Vogošća
- Plaketa za dobitnike Zlatne/Srebrene značke UNSA i
- Zahvalnica Općine Vogošća.

II

Pravo predlaganja imaju vijećnici, Općinski načelnik, političke partije, privredna društva, ustanove, udruženja, mjesne zajednice, radna tijela Općinskog vijeća kao i drugi organi i organizacije koje imaju sjedište na području općine Vogošća.

III

Predlagati se mogu:

- Fizička lica;
- Pravna lica (privredna društva, ustanove, udruženja, mjesne zajednice, drugi organi i organizacije);
- Strani državljani, inostrane i međunarodne organizacije za značajan doprinos razvoju i napretku Općine.

Priznanja se mogu dodjeliti i posthumno.

IV

Kriteriji za dodjelu priznanja Općine Vogošća, za fizička i pravna lica su:

ZLATNI GRB SA PLAKETOM OPĆINE VOGOŠĆA:

- sjedište/prebivalište na području općine Vogošća, osim u izuzetnim slučajevima;
- doprinos i postignuti rezultati u odbrani, obnovi, izgradnji, razvoju, napretku, te uopće aktivnosti usmjerene ka postizanju sigurnosti građana i dobrobiti Općine;
- doprinos proširenju proizvodnih i drugih kapaciteta, kao i zapošljavanje na području općine;
- doprinos unapređenju i zaštiti čovjekove životne i radne sredine, očuvanju kulturne i prirodne baštine i dostignućima od općeg značaja za život i rad građana;
- da se radi o istaknutim i uglednim pojedincima općine i šire, koji su u dužem vremenskom periodu ostvarili izuzetne rezultate u radu;

- da se radi o pojedincima koji su postigli izuzetne rezultate u oblasti nauke, kulture, obrazovanja, sporta, vjerskog života, zdravstva, bezbjednosti, razvoja komunalne infrastrukture, zaštite radne i prirodne sredine i svakog drugog rada od općeg javnog interesa;
- da se radi o pravnim licima koja su ostvarila u dužem vremenskom periodu izuzetne poslovne i druge rezultate u ukupnom ekonomskom ili društvenom razvoju općine, te dali doprinos njenoj državnoj i među državnoj promociji i ugledu.

PLAKETA HUMANISTA GODINE OPĆINE VOGOŠĆA:

- sjedište/prebivalište na području općine Vogošća, osim u izuzetnim slučajevima;
- doprinos u humanitarnim i drugim dobrotovornim aktivnostima, ako to nije primarna aktivnost i obaveza;
- doprinos u spašavanju ljudskih života;
- doprinos u spašavanju materijalnih dobara privatne i državne imovine od elementarnih i ekoloških nepogoda i drugih nesreća;
- da je dugogodišnji redovni davalac krvi;
- da je poznati humanista po pitanju pomaganja osoba kojima je ta pomoć potrebna, te pomaganja u radu humanitarnih organizacija.

PLAKETA ZA ŽIVOTNO DJELO

- sjedište/prebivalište na području općine Vogošća osim u izuzetnim slučajevima;
- izuzetni rezultati od opće društvene vrijednosti;
- značajan doprinos razvoju i afirmaciji općine Vogošća na privrednom, naučnom, kulturnom, sportskom, humanitarnom ili drugom planu;
- pod životnim djelom podrazumijeva se cjelovito djelo ili opus koji je pojedinac ili grupa ostvario tokom svog radnog vijeka ili koje predstavlja izuzetno vrijedan rezultat.

PLAKETA MLADI I PERSPEKTIVNI SPORTISTA OPĆINE VOGOŠĆA

- sjedište/prebivalište na području Općine osim u izuzetnim slučajevima;
- ostvareni izuzetni sportski rezultati u pojedinačnoj i ekipnoj konkurenciji na kantonalnim, federalnim i državnim prvenstvima i međunarodnim takmičenjima priznatih od svjetskih i evropskih federacija, a vrednuju se rezultati ostvareni u prošloj kalendarskoj godini.

PLAKETA ZA DOBITNIKE ZLATNE/SREBRENE ZNAČKE UNSA

- sjedište/prebivalište na području Općine Vogošća osim u izuzetnim slučajevima;
- dobitnici Zlatne/Srebrene značke UNSA za izuzetne uspjehe tokom studiranja.

ZAHVALNICA OPĆINE VOGOŠĆA:

- sjedište/prebivalište na području općine Vogošća, osim u izuzetnim slučajevima;
- Zahvalnica se dodjeljuje u znak zahvalnosti Općine Vogošća priznatim ličnostima, građanima i pravnim licima općine Vogošća, koji su dali poseban doprinos razvoju i očuvanju civilizacijskih vrijednosti, izgradnji i jačanju institucija lokalne zajednice u općini Vogošća i njenoj afirmaciji u Bosni i Hercegovini i inostranstvu.

Odluku o dodjeli priznanja Općine Vogošća donosi Općinsko vijeće na prijedlog Komisije za odlikovanja i priznanja.

V

Prijedlozi za dodjelu priznanja podnose se u pisanoj formi sa obrazloženjem, u skladu sa Javnim pozivom.

VI

Priznanja Općine Vogošća ne mogu se dodijeliti pojedincima, organizacijama i pravnim licima koja su dobila najveće općinsko priznanje u posljednjih deset godina.

Priznanja Općine Vogošća ne mogu se dodijeliti ni osobama uposlenim u Općini Vogošća, osim onih koje su postigle izuzetne rezultate van radnih poslova koje obavljaju u Općini Vogošća.

VII

Prijedlozi za dodjelu priznanja podnose se do 03.04.2026. godine do 16⁰⁰ sati na adresu:

Općina Vogošća
Općinsko vijeće
Komisija za odlikovanja i priznanja

Za sve eventualne informacije obratite se na telefon Općinskog vijeća: 033/586 - 407.

P R E D S J E D N I K
KOMISIJE ZA ODLIKOVANJA I PRIZNANJA

Turković Faruk